

43 Songtekste *durch Juan Perea y Monsuwé*

1051268584 IPI number

(Buma Stemra & Tunecore Publishing worldwide, for *Juantarctica Music*)

(© *Juan Perea y Monsuwé* <https://juantarctica.com> – 2 mei 2024)

Lyrics by ***Juan Perea y Monsuwé***, of my published 43 songs, on five consecutive albums in 2024, in the LIMBURG language. All written, sung, performed, produced and mastered by me.



1. Planeet Limburg

(song 1 - 8)



2. De Legende Va Vastelaovend

(song 9 - 11)



3. Ondraaglijk Groeëte Hitz!

(song 12 - 21)



4. Silhouet Op Sjtand

(song 22 - 32)



5. Sjatten Vaan Ut Lookerplei

(song 33 - 43)



1. CARNAVAL, KINSTE WAL?

Carnaval, kinste wal
Ich mot alles geave
Went du bis, zoëeee speciaal
Carnaval, bal noa bal, kump ut got, kumpt dea knal
Oehh Carnaval, zoëeee speciaal

Ut ganse joar durch, dich in d'r kop
Brent ut verlangen, geet ut noeëts sjtop
Bie dich wil ich zieë, innnnn dieng macht, joa!
Roof mienge naam en ich sjtoan op
Kom noa dich tsau, geaf ut noëts op
Sjtoan ich te sjpringe, um die nacht

Carnaval, kinste wal
Ich mot alles geave
Went du bis, zoëeee speciaal
Carnaval, bal noa bal, kump ut got, kumpt dea knal
Oehh Carnaval, zoëeee speciaal

Ut leefst bin ich hei, hei isset sjun
Veul ich mich vroeë, han ich mieng vrung
Bie dich wil ich zieë, innnnn dieng pracht, joa!
Wead ut get laat, val ich nit sjtil
Broeëst ut vanbinnen, du wits wat ich wil,
Sjtoan ich op sjpringen, um die nacht

Carnaval, kinste wal
Ich mot alles geave
Went du bis, zoëeee speciaal
Carnaval, bal noa bal, kump ut got, kumpt dea knal
Oehh Carnaval, zoëeee speciaal
Veul wie mie hats tekieër geet
Ut sjeet vuur dich en dich alling
Carnaval, kinste wal
Ich mot alles geave
Went du bis, zoëeee speciaal
Carnaval, bal noa bal, kump ut got, kumpt dea knal
Oehh Carnaval, zoëeee speciaal

2. VA BOCHES BIS KLEIN-KUTTINGEN

Va Boches bis Klein-Kuttingen, haang vier in de sjuttingen
Bliej durch busj en daal, tis d'r tied va Carnaval
Wat ee geluk, sjtaart dich aan
Gezellig druk, mit waal tien doezend maan
Wen ich mich buk, val ich sjpontaan
Kom nit mieë reat van de sjpass
Lank sjlaag doebel Alaaf!

Ut leave is te sjun, net zoe wie os Limburg is
Daorum is't dich gegund, ins per joar die ergernis
Te loate, sjleet mer aan en duch
Mit de sjtimmung mit, same in die meinigte
Woeë jeekeringe wit, das doe neet d'r enigste
Mit zurg bis, die zunt noe vaan de baan (vaan *Baanhei!*)

Va Boches bis Klein-Kuttingen, haang vier in de sjuttingen
Bliej durch busj en daal, tis d'r tied va Carnaval
Wat ee geluk, sjtaart dich aan
Gezellig druk, mit waal tien doezend maan
Wen ich mich buk, val ich sjpontaan
Kom nit mieë reat van de sjpass
Lank sjlaag doebel Alaaf!

In de gauwigheet, vergeatste soms wat wichtig is
Dan douwste dich gereed, ooch wenste neet richtig los
Kins loate, sjleet mer aan en daan
Zing d'r groëtste hit, maak nuuj vrung en vruj dich huuj
En wenste mit get zits, sjpeul den durch noa truuk op juuj
Loat koad aaf, Vastelaovend is doa

Va Boches bis Klein-Kuttingen, haang vier in de sjuttingen
Bliej durch busj en daal, tis d'r tied va Carnaval
Wat ee geluk, sjtaart dich aan
Gezellig druk, mit waal tien doezend maan
Wen ich mich buk, val ich sjpontaan
Kom nit mieë reat van de sjpass
Lank sjlaag doebel Alaaf!

Heij besjteet ginge murrege
Noe geneet dit moment
En wenste muuurg bis
Geaf daan noch ee rundje in dees tent

Va Boches bis Klein-Kuttingen, haang vier in de sjuttingen
Bliej durch busj en daal, tis d'r tied va Carnaval
Wat ee geluk, sjtaart dich aan
Gezellig druk, mit waal tien doezend maan
Wen ich mich buk, val ich sjpontaan
Kom nit mieë reat van de sjpass
Lank sjlaag doebel Alaaf!

3. SJPASS IN UT KWADRAAT

Joa vier hant sjpass in ut kwadraat
En ich waat, bis du doa bieë weas geteld
Sjpass kost gee jeld, ich han al besjteld Joa
vier hant sjpass in ut kwadraat
En dat maat, dat nul kieër inge zoër liekt
Ginge oër kiekt, könning te rieëk

Kleaf dich, bie os aan
Deel dea quatsch sjpontaan
Noeëts wead dit minder
Altied mieë bis in d'r tied d'r top kumt
Went vier noch nit noa heem gunt

Joa vier hant sjpass in ut kwadraat
En ich waat, bis du doa bieë weas geteld
Sjpass kost gee jeld, ich han al besjteld Joa
vier hant sjpass in ut kwadraat
En dat maat, dat nul kieër inge zoër liekt
Ginge oër kiekt, könning te rieëk

Doeg sjun, mit os mit
Beater wead ut nit
Tel dieng zeageninge
Geaf nuuks um die reaking die noa kumt
Went vier al werrem doa zunt

Joa vier hant sjpass in ut kwadraat
En ich waat, bis du doa bieë weas geteld
Sjpass kost gee jeld, ich han al besjteld Joa
vier hant sjpass in ut kwadraat
En dat maat, dat nul kieër inge zoër liekt
Ginge oër kiekt, könning te rieëk

Dele vier durch nul is flauwekul, doa Zoeë
wead d'r kop waal döl en telle vier aaf
Boches alaaf!

Joa vier hant sjpass in ut kwadraat
En ich waat, bis du doa bieë weas geteld
Sjpass kost gee jeld, ich han al besjteld Joa
vier hant sjpass in ut kwadraat
En dat maat, dat nul kieër inge zoër liekt
Ginge oër kiekt, könning te rieëk

4. UT ROMMEDOEKE

Jieëkeringe kint ut Rommedoeke
E miensjke mit vief tessche aa gen erm
Ummer boeëte, dóa kinse op sjtoeke
Inge dieke jas, al isset nog zoe werm
Tis nit zoe dat de luuj heur geer zient koome
Ut Koelnisch Wasser is al joare op
Heur kleier zunt onmeuglik mieë te sjtome
Meh alle vástelaovendspeksjkes woare top

Van't Rommedoeke, ut romme romme romme Rommedoeke
Dat leafst in inge sjtaal,
Ut Doeke, geaft nuuks urn alle kaal
Ut Rommedoeke, ut Rommedoeke,
Ut Rommedoeke is ut sjiekst mit Carnaval

De kinger zunt nuj bang vuur't Rommedoeke
Ginge wit ooch wie zie richtig heesj
Da gromt ze es ze mich bouw ing wil toeke
Es ich vuur heur in de riej sjton bie ut vleesj
Ut leid dat sjteet heur soms ooch in de ooge
Umdat d'r maan oeëts neet mie truuk koam oët de koel
En ooch al wil ze vuur os dorpsluuj gaar nit doge
Ing kier per joar hat zie ing opgemaakte moel

Van't Rommedoeke, ut romme romme romme Rommedoeke
Dat leafst in inge sjtaal,
Ut Doeke, geaft nuuks urn alle kaal
Ut Rommedoeke, ut Rommedoeke,
Ut Rommedoeke is ut sjiekst mit Carnaval

Ins wead ut letste moal, dat zie op de kis hujt
Meh bis daaaaaan hoat ze poal, en zunt vier allenuj benujt

Noa't Rommedoeke...
Van't Rommedoeke, ut romme romme romme Rommedoeke
Dat leafst in inge sjtaal,
Ut Doeke, geaft nuuks urn alle kaal
Ut Rommedoeke, ut Rommedoeke,
Ut Rommedoeke is ut sjiekst mit Carnaval

5. RAAT VOOL MIT VROUWLUUJ

Tis euh gegeave, dat waal bevilt
Noëts in ut leave, woar ich zoë gewild
Kiek um dich heer, jong, is dat neet sjun?
Broen, sjwats, of hoeëg blond
Of groeët en knap, zonger inge vrund

Raat vool mit vrouwluuj
Raat vool mit vrouwluuj
In ut gebouw huuj
Raat vool mit vrouwluuj
Raat vool mit vrouwluuj

Vrouw, vrouw, geaf mich mieng rau, vrouw
Koom noe mer gauw, vrouw
Doe werms de kou
Vrouw, vrouw vrouw vrouw

Ich kin gaar nit keeze en krien ut gans werm
Nuuks te verleeze, ing vrouw an jidder erm
Daage en nachte, wead ich nit wieës,
Ich mot noë betrachte
Is dit d'r hel of ut páradies?

Raat vool mit vrouwluuj
Raat vool mit vrouwluuj
In ut gebouw huuj
Raat vool mit vrouwluuj
Raat vool mit vrouwluuj

Vrouw, vrouw, trek aan ut touw, vrouw
Maak flink rabauw, vrouw
Vuur daag en dauw
Vrouw, vrouw vrouw vrouw

Och, leef maedje, in mie gaedje
Zaag ins dreum ich, of, geleufs dich dat
Ich wied hin bin, zoe richtig sjeal
Wie alling inge keal alling kin zieë
En isset nit hieë
Isset nit hieë
Isset daan nit?

Raat vool mit vrouwluuj
Raat vool mit vrouwluuj
In ut gebouw huuj
Raat vool mit vrouwluuj
Raat vool mit vrouwluuj

6. LOATE GOA

Ooch al doon ich nog zoe goot mieng best
Vuur zunt aan't einde van os fest
Mer dan sjpiele die herinneringe
En is er toch ee dink dat dit verpest

Went ich mot loate goan, loate goan
Ut veult nit richtig, dat ich dich hej mot loate sjtoan
Loate goan, loate goan,
Dit gevoel is te sjterk
Zoe intens dat ich merk
Ing lach en troan, ich loat ze goan

Es ich zoe truuk dink aan wat woar
Velt die gedachte mich gans zjwoar
Want ooch al bin ich best hieel dankbaar
Wie hoat ich ut noe oet bis naechstes joar?

Noe ich mot loate goan, loate goan
Ut veult nit richtig, dat ich dich hej mot loate sjtoan
Loate goan, loate goan,
Dit gevoel is te sjterk
Zoe intens dat ich merk
Ing lach en troan, ich loat ze goan

7. PLANEET LIMBURG

Vier zunt ummer in de weer, sjtunt noeëts es sjtil
Bieë de zon, d'r mond en de sjterre
D'r is ee dink in d'r winter dat ich wil
Um in *Limburg* vast te beloave
Dat vier 'r bocht oët vleege in't hieëlal

Want *Planeet Limburg* broëst in alle sjtroate
Va *Venus, Jupiter* en *Mars*
Oët de baan, oët d'r sjlaag, oët d'r kop,
Doa kint de ganse welt nit teagen-oooh – ooooh – oop

Want *Planeet Limburg* hoëst in alle harte
Die sjtimmung, die is ja boëteneads
Oët d'r weag, oët d'r sjtub, oët d'r bol,
Op *Planeet Limburg*, aomt men puur d'r lol

De zjwoartekracht, die dunt vier in de ban
Vur sjoenkele, d'r dampkring mit zieng alle
Es erm in erm, de sjpass die ich dan han
Mich in Limburg, vast deed beloave
Dat ginge os kin sijnappe in't hieëlal

Want *Planeet Limburg* broëst in alle sjtroate
Va *Venus, Jupiter* en *Mars*
Oët de baan, oët d'r sjlaag, oët d'r kop,
Doa kint de ganse welt nit teagen-oooh – ooooh – oop

Want *Planeet Limburg* hoëst in alle harte
Die sjtimmung, die is ja boëteneads
Oët d'r weag, oët d'r sjtub, oët d'r bol,
Op *Planeet Limburg*, aomt men puur d'r lol

Doeg noe die milk mer weg en sjenk,
Dieng hártstócht en dieng bonne,
Dan bloaze vier de ead op en daan wenkt
D'r hieëmel, woeë vier úüverneujts begooo - ooooh - nne

Want *Planeet Limburg* broëst in alle sjtroate
Va *Venus, Jupiter* en *Mars*
Oët de baan, oët d'r sjlaag, oët d'r kop,
Doa kint de ganse welt nit teagen-oooh – ooooh – oop

Want *Planeet Limburg* hoëst in alle harte
Die sjtimmung, die is ja boëteneads
Oët d'r weag, oët d'r sjtub, oët d'r bol,
Op *Planeet Limburg*, aomt men puur d'r lol

8. ALAVIUM

Deep in ut *Limburgs* carnaval
Is inge sjtof in uüvertal
Gans erg gewild, sjleeste op tilt
Op de betste maneer

Alavium, d'r gekste sjtof, ooh ooh
Alavium, is ut adagium, ooh mit
Alavium, kiest doe de daag waal um
D'r biësjleeter is absent
Ich bin in mie element
Ooh hoo *Alavium*, d'r betste sjtof,
D'r gekste sjtof

Wat is ut deeltje dat d'r boel versjnel?
Alavium
Wat is ut deeltje, dat Limburg versjtelt?
Alavium
Struj ut herum
Sjleet mit ing kraan noe
Ut reactorvaat aan zoë
Kolkend vuurop broesend top wie hië

Alavium, dat ich geer num
Alavium: geaf ut dieng sjtum

Ut groëtste geheim, publiek bekant
Hej in ut *Limburgs* boëteland,
Is went ze ut numst, de sjtimmung sjun stumt
Op de betste maneer

Alavium, d'r gekste sjtof, ooh ooh
Alavium, is ut adagium, ooh mit
Alavium, kiest doe de daag waal um
D'r biësjleeter is absent
Ich bin in mie element
Ooh hoo *alavium*, d'r betste sjtof
D'r gekste sjtof

Sjleet mit ing kraan noe
Ut reactorvaat aan zoë
Kolkend vuurop broesend top wie hië



9. VEAGE MIT DEA KEERBUUSJTEL

Schatz, du en ich zunt bondgenote,
 Al han ich öfter bonte hoote heng
 Du wilt dat ich
 Zeng, nuüge, acht, ziëve, zes, viëf, veer kieër
 Rond goa durch de boeëd
 Mer noë isset kloar
 Meh neet volgens dich,
 Tis neet kristal kloar
 Noch in gee joa- ho ho- ho ho- ho ho- ho hoar

Dus mot ich
 Veage veage veage, veage veage veage,
 Veage mit dea keerbuusjtel
 Veage veage veage, veage veage veage
 Veage mit dea keerbuusjtel
 En is ut schluss, dan vraagst du: *"Hey, is. ...
 D'r sjtub Al aa- haha- haha - haha- ha - aaf?"*

Schatz, ich han de kneup aaf en ich han
 De nerve ooch zoë oengerhand kapot
 Ich doën wiëinig
 God zou och bie dich in hoës
 D'r Gruul neet op d'r dusj motte loate sjtoa
 Tis Amen en joa
 Ich gon dich oët d'r sjtub
 En hoat d'r ao- ho ho- ho ho- ho ho- hoam in, es ich mot...

Tis veage en numme en 's aoves in bed
 Han ich de krulsjpange in
 Vergeet mich d'r zin
 Dé zin van dieë leave
 Umdat ich wacht op dieng vraag:
*"Nun poets doa dea schmutz
 Loat noë dea bessem werrem
 Goa - ho ho - ho ho - ho ho - ho hoa"*
 Dus mot ich....

10. DE LEGENDE VA VASTELAOVEND

Vörrig joar in juni
Woar ut ut geval
Inge zoëmernachtsdroom, leavensecht
Ut leek sjuus carnaval

Jieëkeringe woar verkleid
Alling mie peksjke woar gee feit
Dus klauwde ich viëf deele bië elkaar
Mieng hand bleef och nit langer leag
Uh glas, mieng vrung, nuj ongerweag
Plots sjprong ich in d'r optocht op ing kar

Tzesamme trokke vier die kar
Op weag noa uh kasjtieël
De euforie woar groët en sjterk
Ut pad dat woeëd waal sjtieël!

Toen koam doa inge tovenaer
Dea zaat ing sjpreuk, toen goong e wear
Zoë trokke vier gemütlich noa ut bal
Ooch holp os inge alchemist
Dea sjonk os cocktails, good gegist
Ut woar d'r allersjunste carnaval!

En doa sjtoong ich
Prinses op ut kasjtieël
Mieng hoare lank en sjtieël
Van goot bis op gen ead
Toen koam doa inge prins op zieë wit pead

Ut woar neet te geleuve
Dat woar ut feske wal
De *Raod van Elfen* vloog mich sjnell
Noa dea Prins Carnaval

Vier houwe sjpass en lol vuur zeng
En zooge luuj öet alle leng
De sjtimmung koam al richtig wied op sjtroom
Meh toen versjéen doa werrem dea tovenaer
Dea zaat: *"Hei is die letste beer!"*
"Dit woar inge verkieëjd besjtelde droom"

Vörrig joar in juni, woar ut ut geval
Inge zoëmernachtsdroom, leavensecht
Mieng sjtroaf woar carnaval

11. DREI DAAG TE GOA

Vasteloavend, jaa jaa
Wiet weg en daan geet ut aa
Vastelaovend, neâh neâh
Verleefd, van onsjatbare wead
Dus zaan ich mit reat

Bouw noe die eege fes, eege fes
Dienge dienge dienge dienge eege sjtress
Bouw noe die eege fes, eege fes
Dienge dienge dienge dienge eege sjtress
Ooh hoo eege fes, eege fes
Ooh hoo hoo eege fes, aah haa
Ooh hoo hoo eege sjtress, eege sjtress
Ooh hoo hoo eege sjtress, ALAAF!

Drei daag te goa, drei daag te goa, drei daag te goa, drei daag te goa
Zwei daag te goa, zwei daag te goa, los mer ins goa, zwei daag te goa
Ing sjtond te goa, ing sjtond te goa, los dich ins goa, ing sjtond te goa
Drei daag, te goa – ao – oah
Kiek os, ins goa
Mit drei sjtond, te goa
Zwei sjtond, adieje
Ich hoat ut, nit miëje
Ing sjtond te goa
Geneet vuur e joar
Noeëts kloar!

Vasteloavend, jaa jaa
Wiet weg en daan geet ut aa
Vastelaovend, neâh neâh
Verleefd, van onsjatbare wead
Dus sjuddert die ead



12. KERN VAN DE ZAAK

Sjeet es get op, vier weade verwaad en
 Doe bis aan't helle, kalle, zoë kome vier te
 La, la, la, la, la,
 Veuls te laat, dus zaan ich

Koom mit os tot de kern van de zaak
 De kern van de zaak, de kern van de zaak
 Koom mit os tot de kern van de zaak
 Woa de lamp brennt
 Vier make ut goot
 Hej hat ginge sjoot
 D'rum zaan ich

Geaf ut mer toe, dië punt is te zjwaak en
 Doe sjravels, bazels, razels, wat hubbe vier ge-
 La, la, la, la, la
 Zoë gelaat, dus zaan ich

Koom mit os tot de kern van de zaak
 De kern van de zaak, de kern van de zaak
 Koom mit os tot de kern van de zaak
 Woa de lamp brennt
 Vier make ut goot
 Hej hat ginge sjoot
 D'rum zaan ich

Oooh, koom neave mich sjtoa, zoë noa,
 Oooh, wie geer zunt vier doa
 In d'r krink, woa ich dink, loat noë dea knoa,
 Noeëts mieë goa, went ich veul, hej wead ut
 La, la la la laat

Sjeet noë neet durch en hoat dienge focus
 Bis dat dea krokus, hocus, blujt in't ganse
 La, la, la, la, la,
 Os Limburgs land, d'rum zaan ich...

13. LOEËS ZIEË, WINNUH!

Loeës zieë, winnuh
Daan lupze binne
Oapen die hats noë,
Win sjtil en bis vroeë
Loeës zieë, winnuh,
Plussen, neet minnuh
Blus sjun mie hats noë
Win sjtil en bis vroeë

Vier winnuh durch ut zelf te doeë
Vier winnuh durch saame
Begin mit ontginne wat doa is
Wat ginge oëts zoë kloar hat veadig gesjpieëld, alaaf!
Vier winnuh durch ut zelf te doeë
Vier winnuh durch saame
Doe wins went doe kinst noë vertale
Wat ummer deep sjtraalde en glinsterde wie good

Graat huu
Sjtap oët dienge sjaduw
D'r sjeinwerper löscht dienge sjroom
Gieët dich d'r sjtroom um te wervele, doe winst!
Ja luuj
Dea lach dea glimt en sjpass duujt
Noa vuure mit dich op volle kracht
Dweasj durch de nacht um te wervele, doe winst!

14. ACHTER DE BÜHNE

Vier reesden aaf noa ut Zuide
Wóá vier os zoë erg op vrujden
Aaah, meh doa woasj doe
Aaah, al mieng planne weg
Botte pech, vuur de aangere ut mieëtst

Achter de Bühne, koams doe in ut sjtuk
Achter de Bühne, voong ich mie geluk

Loog ut aan die aksent, of mie tale talent
Durchtastend, gracias, graat dea jas, joa joa
Al woar het durch gebare
Vier zunt aaf gevare,
Ooh jeee, doa zooge vier de zieë, ut sjtrand, olé!

Al sjnell zjwomme vier in *peseta's*
Hea zaat hea woar miljonair, ach neet da?
Aaah, meh doa woasj doe
Aaah, mienge redder da
Ledder aa, inge knappe kop ut mieëtst

Achter de Bühne, brachst doe mich vaan mie sjtuk
Achter de Bühne, voong ich mie geluk

Loog het aan die cocktails, of krieësjende rock babes
Ich goong mer wer, grazie, dieje wah, joa joa
Zoe loog ich op d'r *Beach Club*
Te chille zoonger mië klup
Ooh jee, doa hou ich weer mieng zieë, mie sjtrand, olé!

D'r tzeit vaan mie leave, dea grujde
Vol sjpass en vol zon in ut Zuide
Aaah, meh doa woasj doe
Aaah, onger de panne echt
Gaar neet sjlecht, met e vakwerkhoes wie nieë,

Achter de Bühne, koams doe in ut sjtuk
Achter de Bühne, woog ich mie geluk

Woar het noe dea echo, van *sangria, prosecco*
Ich wink ut weg, merci beaucoup, zonger floep, joa joa
Ich han ut sjun tranquilo, dat is noe mienge *stylo*
Ooh jee, ich hoat zoe van mieng zieë, mie sjtrand, okee?
Gracias, graat dea jas, joa joa

15. ALTIED WENT UT WINTERT

Altied went ut wintert, altied went ut zindert
Sidder ich, vreest mich d'r sjpass
Altied went ut wintert, wead ich zjwoar gehindert
Durch d'r mood, ieskoat ut glas

Mer dan toch, ploeter ich durch
Licht wie nie, dweasj durch d'r sjnej
Gans bevrejd, vaan mismood en zurg
Went ich weet: doe bist heij, open haard, wiekent hei

Eeuwig, gemuetlich, gunt vier durch d'r ziet
Went doe witst, noe is doa, toekomst versjloa,
Doën ich neet, die vergangenheet lost
Nieks op en lost vaanzelf op
Sjnel wie sjnej, zoe pakkend, pak van mieë hats d'r
Sjlaag mit naksje zjwenke dam op pelt

Kiek oët, went d'r winter kwakkelt lang, de vaan oët
In Vasteloavendsdrang
Noa vuure, in Carnavalsgedrang, noa behuure
De kluur op dienge wang

Altied went ut wintert, geaf ich de bruj aan dich
Dartelend wie vlinders, mie brandingsrotsgezicht,
Op onweer dat moag koome, alle sjleag die bring ich thoes

D'r winst um bieë te sjriëve sjtoeët os beije in d'r roes
Vaa winterdaag

Sjun sjun sjun, och wat gun, ich dich vanalles
Sjun sjun sjun, oahne zung, gebalanceerd op koad, sjtervenskoad

Sjpring altied oët de moat, wat hoat dich teage, sjplitsing va weage
Bis doch nit ummer koad, dat nutzt toch ginge, zonderlinge
Kroam, boeëtegeweunlik, iesblum die ich aom, letzte schroam
Eeglik altied went ut wintert bin ich bliej

16. SURFE IN D'R SJNEJ

Sjnejevlokke plekke, wie e glaas aan de tieëk
Die kou um te vrekke, is verdwiëne es bliëkt
Das doe vaan d'r berg aaf, net dees ofste surfst
Doe sjjaloms dieng vrung langs, voal moot en veul durf

Blief aan de blieje ziej (surfe in d'r sjnej, oeeh wiee oeeeh)
Blief aan de blieje ziej (surfe in d'r sjnej, oeeh wiee oeeeh)
Blief aan de blieje ziej (surfe in d'r sjnej, oeeh wiee oeeeh)
Vaan de *après-ski*
Ram ut betste hiej

Dat witte pak boeëte, is ja net wie de zieë
Ing sjoemparty mit e sjpektakel wie niej
Want doe swingst dea berg aaf, dieëj sjnej bret dat turft
Ut woar al d'r zesde toër deaste surfst

Blief aan de blieje ziej (surfe in d'r sjnej, oeeh wiee oeeeh)
Blief aan de blieje ziej (surfe in d'r sjnej, oeeh wiee oeeeh)
Blief aan de blieje ziej (surfe in d'r sjnej, oeeh wiee oeeeh)
Vaan de *après-ski*
Ram ut betste hiej

Ah, ha ha ha hah, waaah oeeehh, surfe
Ah, ha ha ha hah, waaah oeeehh, durve
Vier gunt werrem boarde, dus pak uch goot vast
En onger doa ving vier, os bret mit e glas
Oeeeh, want dat is os doel, vereind
Wea bliët uüvereind?

Paraat um te surfe, biste hiël jot verkleid
E *Michelinmenke*, gans ongergesjnejd
Doeg net of ut zand is en sjtruj ut volop
Vuur de finale, want noe volgt dea top

Blief aan de blieje ziej (surfe in d'r sjnej, oeeh wiee oeeeh)
Blief aan de blieje ziej (surfe in d'r sjnej, oeeh wiee oeeeh)
Blief aan de blieje ziej (surfe in d'r sjnej, oeeh wiee oeeeh)
Vaan de *après-ski*
Ram ut betste hiej

Ah, ha ha ha hah, waaah oeeehh, surfe
Ah, ha ha ha hah, waaah oeeehh, durve
Vier gunt werrem boarde, dus pak uch goot vast
En onger doa ving vier, os bret mit e glas
Oeeeh, want dat is os doel, vereind
Wea bliët uüvereind?

17. DANSE, ZJWEIJE

D'r vloer is lava, es vier drop gunt
Doe woasj aan't kalle mit aanger luuj
Ut woar ut letste vaan d'r aovend
Doe woasj aan't kalle mit aanger luuj
Meh toen woar get heibel loos

Want ich sjtapte op d'r aaf,
Vroog: "*zeas du soms ooch alaaf?*"
Badabadummdumm

Danse, zjweije, rundjes dreije
Wieniej sjteet die vrundin noe op?
Ich wink mich te pletter, de moeziek wead vetter,
Dus daorum goan ich
Danse, zjweije, rundjes dreije,
Mit patente vrouwluuj vuurop
Die vrundin blieët proate
Dus zik ich geloate,
Hej in d'r zaal bin ich toeës
Maakt ut oët, maak ut oët!
Ich ammezeer mich kapot
Ut sjpel op d'r waage, zie mot es get zaage
Dat deet ze zelluf genug, boh boh

Nit teage miech, drum goan ich zjwiere
Du woasjt aan't sjanse mit aanger luuj
Dit is ing dansles um te liere
Du woasjt aan't sjanse mit aanger luuj
Noe sjtop dat gesjpijbel bloß

Aangesj sjtap ich op d'r aaf
Mit e drej moal groeëts alaaf!
Badabadummdumm

D'r tied vloog um, doe kallst dich muj
Dat woar ut daan
Miech woeëd ut zjwiendlich
Mer ich weet nit got woavaa
Ich doeën ut sjnell werrem, dat zaan ich dich vast
Ich kien ut al werm, in miej super palast

18. LAND VA EEGEWIES

In ut *Land Va Eegewies*

Geet aal mit teagesjtroom vuuroët
Tis neet sjwats, of wit, of grieës
Mer bonte kluurepracht va roeëd
Moeziek klinkt, moeziek klinkt zoë sjun
Die fantasie helt toeën
En doe zingst en doe zingst ing sjtum
Nog helderder wie vroeë

In ut *Land Va Eegewies*

Hat koppigheet uy hoeëgstes woeëd
Datste fluisterst, zeast of krieësjt
Mit volle kracht, zoë rond de boeëd
En in d'r aovend, kin ich dich uh fes beloave
Leavendig wie nieëh

In ut *Sjaduwrieëk va Goot*

Geet alles wie geplaand
Gee berouw, ging koa zin, ging sjoot
Mer harmonie, zoë elegant
En kumpt d'r aovend, versjpreak ich dich uh fes zoë kolkend
Leavendig wie nieëh

In ut *Land Va Eegewies*

Lupt alles rustig op zië end
Went geluk kint ginge prieës
Vuurbiej d'r sjtolz en zieng eelend
Moeziek klinkt, moeziek klinkt zoë sjun
Die melodie helt woeëd
En du zingst en du zingst ing sjtum
Zoë kloar wie aovendroeëd

In ut *Land va Eegewies*, eegewies oh eegewies

Eegewies, ooh eegewies

19. SAAME 1

Samen éé aan de macht
Samen éé mit gelach
Samen maakt ut versjil
Alles biëj elkaar, is ut dat wat ich wil

Samen éé, samen éé, samen huure vier biëjee
Samen éé, samen éé, macht sjpass
Hubste ut al gehoeëd, went samen één sjteet vuuraa,
D'r inge noa d'r aanger sjleet zich neuj bië os aa

De sjtroate noa, de stejer in
De paade op vuuroët
Doa boeëte is gemeensjapszin
Vereenigt durch ut woeëd
Durch en durch gezat, samen éé
Dat geet jôôt
Wie e werm bad, samen twieëj
Koome vier wiëer dan hoeëg

Hubze ut al gehoeëd, samen éé is os kracht
Hubze ut al gezieë, wat os hat samen gebracht
Ut betste in ut leave, is os eenheit die gunt
Uh ieëzersjterk geveul, samen éé is d'r wunsj

Samen éé, samen éé, samen huure vier biëjee
Samen éé, samen éé, macht sjpass
Hubste ut al gehoeëd, went samen één sjteet vuuraa,
D'r inge noa d'r aanger sjleet zich neuj bië os aa

De sjtroate noa, de stejer in
De paade op vuuroët
Doa boeëte is gemeensjapszin
Vereenigt durch ut woeëd
Durch en durch gezat, samen éé
Dat geet jôôt
Wie e werm bad, samen twieëj
Koome vier wiëer dan hoeëg

20. D'R NOAMEDDIG KLIERT OP

Pabadabadabadabbadapa, vier sjtappe durch in de meddigzon
Pabadabadabadabbadapa, vier zunt gaaroets ging reagenton
Tis goot datste doa bist
Wat woar ich zonger dich, mieng sjtolz, mië hats
Mieng kompenei oongerweag
Wat woar ich zonger dich, mieng sjtolz, mië hats
Biezongere bliksem, zonger sjleag

Os holle pad, is magisch, dat glundert in het elfenlicht
Gans opgewekt, nit tragisch, gegoate in uh fijn bericht
D'r noameddig wit road, in't oape veld, dat dich oape sjtelt
D'r noameddig galmt noa, in't oape veld, woeste sjoape telst
Went doa-ah, veulst doe dat Limburg helt, vaan dich

Want leefde misleidt, op ut iëesjte gezicht,
Zoë glinsterend fel, in ut deepe te sjnel
Wenst doe dinkst aan d'r aanger, galant en gracieus
Wie goot dat d'r blinkt, mer is ut watste dinkst?
Went de gouw zin sjlinkt, oooh
Verloare d'r tsziet, ut lank gezicht bliet, versjoale in ut riet
Van dat eeuwige geliek van wiesheet achteraaft
Zig Alaaf, du batteraaf

Went ich zing mie leevesleed
Loester noa dea road
Va groeëts geluk en boetekleed
Loester noa dea road
Lopend in de meddigzon
Loester noa dea road
Woë de sjpass begon
Loester noa d'r road

D'r noameddig is woa d'r klup aan voong
Ich voong d'r nuuks aaaah, meh wat hoeëd ich mich den noe?
Noe loester ins, dit is ut sjpel, das doe beheerst, zoe wonderwel
Kiek och mieng ziej, ich meen ut got, d'r middeweag
Hooft nit kapo – oh - oh ot
Tis mieng sjtum, dieste weagst
En daorum, ut allerleagst
In dieng optiek, ut klettert hel
Zoe wie gewoon, wat zunt vier feh -eh -eh heh el
D'r aovend sjient durch, verschwunden die zurg
D'r is nieks dats doe sjurregst
D'r noameddig hat opgekliert
Wat os sjterk makt, d'r tied dea lieërt of ut genug is

Went ich zing mie leevesleed....

21. SJTRÏEP DURCH DIENGE NAAM

Herfstweer, gank heer
Went ut reagent en de kou mit lift
Eelend, zoe vervealend
Mit d'r kop dea zurg uh welkom gift

Bis toe gans gek, sjeet dea baal lek
Daorum sjriëf ich op mie blog
Dat hats, geet noeëts mie op dea tocht
Die wolken breake in de locht

Want durch dienge naam
Versjeen d'r inge glimlach gans sjpontaan
En doa woar ich, d'r murgesjtond
Woar va toen aaf, sjun vals blond

Ooch de nachten woare goot, mit uh daverend gemood,
Op os vlucht durch ut aovendland
Op os vlucht, durch ut aovendland

Dweasj zoe durch d'r zilveren sjiëem
Uh avontuur va satien
D'r woar vuur en iës en passie en griës
Mit wanhoop en gegriën

Toen koam dea herfstbries
Verdrievend os paradies
Mer toch, leek ut best
Waal uh sjtuk, kapot vaan diech
Mieng indruk

Mer die wezens van de nacht, houwst du ummer paraa – at
Ze goonge wer mer eegelik woar ut te laat
Momenten kinne neet eeuwig doere

Want durch dienge naam
Goong d'r inge striëp, zoe gans minzaam
Doa woarst du, d'r sjiëemer noa
Goong ich weg, loot ich dich sjtoa
Kieken wie uh kumpke boeding

Herfstweer, gank heer
Went ut reagent en de kou mit lift
Eelend, zoe vervealend
Mit d'r kop dea zurg uh welkom gift

Bis du gans gek, sjeet die wolk lek
Daorum sjriëf ich op mie blog
Dat hats, geet noeëts mie op dea tocht
Luchtkastiële in de locht



22. SILHOUET OP SJTAND

Dat auwesjhoës, woa ich durch broës
Versjoale in d'r busj, dea bergtop dea ich
Langzaamaa verwunsj

Ich orfde dat, verworf ing kat
Mer 's aovends sjoëkt ut doa, die sjummme sjtumme
Griëmelend de poat oët

Als ich alling bin, zjweaft d'r uh silhouet
Bië mië bed en floestert mienge naam
Tis nit mieng vrundin – en och ginge gouwe truc
Mer geet eeuwe truuk, mit faam

Fataal is waal, heur klacht en praal
Want ich raak in de ban, van ing siddering, die
Ich nit rake kan

D'r zulder op, woa ing paspop
Mich waarsjouwt vuur heur vloek van vuur en rook, plots
Kumpt mieng sjum d'r hook um

Bin bang, dat ich val, wie uh blok, aan heur bee
Een ketting, die rammelt, vol wanhoop
Gelinkt aa heur collier

In d'r kelder vaan dit sinistere sjlot
Voort ing duur, noa ing baak ongergronds
Op mieng sjloebe, in ing sjloep, zonger floep
Wool ich weg, al huurend inge plons
Dat silhouet koam mich noa, zag:
Bliëf bei mich, aangesj aoms
Te noeëts mië, waarop ich hoësarrest hou
Van toen aaf, zelfgewild, zoë leaveslang

23. BIS NOË DEA TAMBOERIJN

Koam het durch mieng zin
Te zjwaak gemiezzeld, pin d'r in
Dat ich wer boeëte bin
Aan't boete, lente sjlenterere
Dinkend aan mieng zung
D'r busj, dea briest: "*blieste hieë?*"
Went heem is ut kil, proat ze nit mieë

Zet noë die ferme sjtappe
Sjuus wie uh goot refrein
Zen zieë en nit sjtom happe
Bis noë dea tamboerijn

Hei geet ut gaar nit klappe
Sjuus wie ing reân fontein

Ontsjpan mer durch sjlechte grappe
Kletsj op dea tamboerijn

Witste nog wie ut goong?
D'r samenzank va os twieëje
Vol dadendrang, get gewoons
Oëtpakke mit dweasj en doebel, gelukkig zieë
Zieste wal?

Genog vaan dea onzin
D'r holle weag, geneet ich graad
De route langs de ling,
De sjtumming veul ich kentere
Drinkend mit mieng vrung
D'r dusj dea krieësjt: "*Kieste vaan miech!*"
Went heem is ut sjtil, woeënt ze nit mieë

Witste nog wie ut goong?
D'r samenzank va os twieëje
Vol dadendrang, get gewoons
Oëtpakke mit dweasj en doebel, gelukkig zieë
Zieste wal?

Mirakels zunt de welt waal oët, mer toch
Genog um op te rakele, verschwunden is dea zog

24. UT GROEËTSTE FES VAN AL

Dea wirwar, is te walgelijk
Mazjerang, zoë handtastelijk
In de bar, wie vuurtreffelijk
In de war, durch ut sjpel vuuraaf, want

Weasjt doe ut groeëtste fes vaan al
Weasjt doe ut groeëtste fes vaan al
Weasjt doe ut groeëtste, groeëtste, ut vroeëste fes vaan al?

In uüvertal, wie carnaval
In oengertal, wie falderal
Te noa, op de hoeëd
Vuur aangere, ut groeëtst
Weer aangere, ut hoeëgst
Wea biste noë?

Verken dea horizon subiet
Weet woasjte allenuj noa rieëkst
Went du blicks toch ut rieëkst
Fantastisch geprieësd
Ginge woajstu op lieëkst, mer
Wat op mie lieske prieëkt:

Weasjt doe ut groeëtste fes vaan al
Weasjt doe ut groeëtste fes vaan al
Weasjt doe ut groeëtste, groeëtste, ut vroeëste fes vaan al?

Doe bist dat fes, dea vrouwedaag
Mit op ut letst, get nujts
Ontdekke doert ing leavenslaag
Mit zachts en daan get luids

Weg mit die ermood, geaf ut d'r dagesziet
Die rieëkdom diestoe bringst, die bin ich mit Krismis kwiet

Weasjt doe ut groeëtste fes vaan al
Weasjt doe ut groeëtste fes vaan al
Weasjt doe ut groeëtste, groeëtste, ut vroeëste fes vaan al?

25. GEBROAKE PARADIËS

Pak die valies, noë, pak die valies
Bin van de wieës
Gebroake paradies, gebroake paradies

In *Diependal* woar ut verhit
D'r *Ongesjte Busj*, zunt vier gesjtrand
D'r *Boavenste Busj*, dea sjtee koam nit
D'r *Roeëzehof*, neet hand in hand

Woa is mienge gouwe mood?
Zoë sjoëlend in actie
De zon verdrinkt in heur aovendblood
Ut bliksemt un fractie

Ut geet gaar nit wirke, waal geet ut sjoëke
Ziet zjwat vaan de birke, um oonger te doëke
In os sjuilhut, woa d'r fauteuil mos sjtoa
Ut jewittert geweldig, mit floep um te loere
De doemklok die meld ich, voal sjieën vaan ut sjtoere,
In os sjuilhut, woa ich de bui in goa

Wat bis doe vuur inge, wat bis doe vuur inge
Es ut crisis is, mit de nood
Aan de vrouw, pak dieng rau, mer zaag mich
Durch, went
Dat koad grieëp ich es reddingsboei, kiek

Vier versjille nit zoë wiet, get aksente vuur d'r biëj
Mer ut *Limburgs*, ut vuurnaamst
Dus versjpil nit ozze ziet en bederf nit os chemie
Gans elektrisch, os sjpontaans

Vier versjille nit zoë wiet, get aksente vuur d'r biëj
Sjun oët *Limburg*, dea vuurnaam
Dus versjpil nit ozze ziet en bederf nit os chemie
Gans elektrisch, os sjpontaans

26. VAN SJTRIEËK

Gee pardon, woa ich ooch gon
Woa ich aansjtonds vandaan kom
In ut *Zuiden*, woë noa verluiden
De luuj opblujden, in uitersten

Want ginge kin mich zigge woa d'r sjnit
Va mich in zit, de ead um sjpit
Sjpitaal va mienge taal va leem en löss
Va daal en busj – wat ing wusj!

In *Zuid-Limburg* aabeland
Eatste vlaam, geeste frühschoppe
En laat sjloffte, noa mit vrung
Inge sjlaag geauwehoord en och ing kaat gelag

Al ut sjuns, oët de provinz, dat sjoenkelt mit
Ing blommewei, mit meidénjonge, meadjes in wit
Gelit, durch klaprües in de hoare, in gelid

Gezellig bie ut kampvuur
Zoëmeraovende va goot
Woeëde zurge oëtgebanne
Dienge glimlach wunsjt geluk, gans onverloot

Zoë loedt os pact, va *Limburg* treuj, vrieë
Vol verwantsjap, kammerade en gouw zin
Daorum geet os *Heimat* noeëts verlore
Heij in ut koren, bronsgreun sjtolz bië geleefde zië

Gans get *Limburgs*, vleugje *Spaans*,
Mediterraans de velde in
Die noeëts vermujje, hellingbussche
Holle weage, helderder

Want ginge kin mich zigge wie d'r geist
Van dich heisjt, gee geheim
Tis *Limburg* vuur en noa, os moddersjproak
Va daageroad, zoë oët diej sjoat

Al ut sjuns, oët de provinz, dat sjoenkelt mit
Ing blommewei, mit meidénjonge, meadjes in wit
Gelit, durch klaprües in de hoare, in gelid

Gezellig bie ut kampvuur
Zoëmeraovende va goot
Woeëde zurge oëtgebanne
Dienge glimlach wunsjt geluk, gans onverloot

27. LEEFDES LEAVE

Veul in het leave is
Ing leavesgroeëte ergernis
Neet aangesj, wiej roeës va vuurheer
Gekíbbel in leefdesland
Gekwakkel aan d'r waterkant
Pas op, want noë trekst doe van leer

Doe bis de leefde van mich, in uh leave dat op zich
Waal es bol sjteet, va krach oengerweag
Daan piep ich, wentst doe krakst
Versjangeleerd, os vakmansjap
Ontwiëk de klippe, werend ich oonger d'r teppich veag

Ing draaikolk, van loss mer joa
Va sjtrubbeling, vier loate noa
Um sjouwer uphoalend te doë
Uh ticket, noa leefdesland
Bliët geldig, waal uh leave lank
Te koad, weasjt te toch, werrum vroë

Doë liekst mieng besjtumming
Zoë vriej in de running
Doe leegs nit, es ich daorum vroag
Mieë lot oët de loateriej
Woa ich ummer bieje wil ziej
Of verloar, ich d'r knëutsj, in ing vloag
In ing vloag

Doe bis de leefde van mich, in uh leave dat op zich
Waal es bol sjteet, va krach oengerweag
Daan piep ich, wentst doe krakst
Versjangeleerd, os vakmansjap
Ontwiëk de klippe, werend ich oonger d'r teppich veag

28. IN BEWEAGING NOA OS

Koom in beweaging, beweaging weaging weaging weaging
In uüverweaging, noa mich heer
Zoëveule weage, te numme numme numme
Numeriek, zunt vier ut sjterkst
Zoë wie ut liekt, vanaaf inge berg
Dea vier numme, zonger te sjtumme
Uüver mie liëk, mentaliteit

Du bist doa, principieel noa
Whoah, hoeëg in os energie

Tintelt dieng hoeëd, huur dan neet op
Leaf, floep bang vrieë

In elke sjittering va dich, in elke hoebel vaan de rit
Veul ích opwinding reure, ooh joa
In sjpagaat umsingeling, ing karaats umtinteling
Geet ut los, opreging sjpeure, ooh joa
Ut bliet mer kolke, ooh nea
Os hatz vertolke, ooh nea
Bis dat ich, reddeloos
Dich aankiek virtuoos – dieng kunst, dieng kunst

Vier wentele in leefde vaan de zon
Dea vuurbol dea vuur os het sjpel verzon
Ing saamekomst va os verhit debat
Mít geklink va wiën in os sjoëmbad – os sjoëmbad

Doe bis ut eind va mie gezeuk
Zoë gans ut eind, va miëj gezeur
Bis du, ut eind qua alles wat
Die karáker sjprikt vaan dade, sjat – va dade, sjat

29. DE EAD SJUDDERT

De ead die sjuddert, d'r *Kunderberg* sjpliët dich
Loofend noa ing orchidee, veraangerde ut licht
Beleafd en sjuchter, verstjeentste wie ing zoël

Sjuus wie ut *Lot*, *Pompeï* woar zjwoel
Geneetend leave, wie os tswei
Sjpitskuül mit *Merlot* d'r bei
Verlamd oppet bot, wie kumpt dit noë got?

De sjlenke eüpene zich
De horste roope noa dich
De ead is wuss
Zie wenkt dich, biste paraat
De koeësjt, die basjt op d'r graat
Tis kalk en löss
Mer woar die leave de mujte wead?

Vol in ut leave
Kumpt ut nit genau
Hej op aa, dat rampsjpoed vaa
Replik kriet: "*Ut woar sjun d'r aa,*
Num mich noë mer mit!"

Doaboave en doa neave
Woasjte waal zoë sjlau
Te zurge dat dieë reddingsfust
D'r ead zaat veurt, d'r doeësj geblust
Genog grond umgesjpit

30. PUBLIEK BEZEATE

Dat publiek, dat publiek
Numt bezit va os debat, in privé sfere, uniek
Ich kin nit zigge dat dit went
Kumpt dat zieë, fotogeniek
Es vier bakkeleien, dat vingt dier waal zoë sjiek
Os publiek, os publiek

Os publiek
Ieësjte rang, mit ing bemujzucht, ongekant, wat ing hectiek
Ich kin waal zigge dat ut brent
Al die luuj in mieng portiek
Ooch nog ijverzuchtig, beliërend, neet ludiek
Os publiek, os publiek

Truuk noa de natuur, woeëd mieng uüverleavingsdrang, oh oh
Truuk noa de natuur, mit de vrouw en aanhangwaan
Inge hond en och ing kat – *le chat*

In os gek voiture, d'r *Provinz* in en d'r *Languedoc, oui oui*
Mit e kek montuur, es vermomming mit ing lampekap
Ach, ginge sjnapt de grap – uh hah hah

Vier verfransten elke daag opnuj
Mer *Limburg*, ut sjpecialst va allenuj

Biej olieftbeum, fijn op ut sjtrand
Zagte vier: *Sibelco* groeve, aaverwant
Loat ut mer sjturme
Tuniek, neet veul um de hand
Gee publiek bezit is aal, dat vuur hej zoë hant

Welkom, palmbeum, *Merlot* in de hand
Zaate vuur: *Apostelhoeve?* Hej neet bekant
Laat op d'r aovend
Muziek, loom in ut zand
Gee publiek bezit is aal, dat vuur hej zoë hant

31. VERLOARE IN ONTREDDERING

En toen zoot ich bië de pakke, bië de pakke neer
Toen kroog ich dich neet te pakke, in dat takke weer
De *Sint-Jans* kapel, in ut *Gerendal*, sjoëlt best
Al gon ich bië mich zelf te roa
Al mieng keuzes zunt grotesk

In ut dal, zoonger bron
Sjpanning, zonger sjtroom
In d'r put, va d'r tuin (ginge gaat)
Loog mië hats in puin
Mer zelve sjoot, want ich maak dea sjroot
Dat foutenfest, went ich kees grotesk
Es partnerin – partner in criem

Uh sjtumke zeat, ich kin nit, zonger dich
Zonger al dit drama
Leaf es op, in dieng ontreddering
Geneet dat panorama

Wiej ut zoë al geet
Weer die kwitantie
Zeuk get distantie
Vergeaf heur dwalinge
Mer gank zelluf wieër
Zeuk dieng substantie
Weer die kwitantie
Vergeaf heur dwalinge

32. WENNIG WEÜD

Nog es uüver utzelfde
Ich wil waal get zaage, mer sjtilte verteert mienge zin
D'r troubadour sjpiëlt zieng gitaar

Loat dea kolder mer loope, went noë han ich

Wennig weüd, wennig weüd
Nuüdig vuur fiasco
Aquarel mit wasco
Naturel leaf sjtil,
Num de roëwe pil

Vuurdat ut te laat is, loat noë mer de vaat bis
Nuung oër murge vreug, nuuks dat ich mich heug
Wennig weüd, wennig weüd
Gieren wieëd d'r bocht oët
Legge dienge zeel bloeët
Telkens uüvernuijts
D'r is veul woasjte op sjtuits

In de veldweag zon, sjnakkend noa ing bron
De tocht, dat is die alles,
De noodklok diëj getal is
Hunkerend noa wead
Diej dich wennig zead
Dieng sjtum in ut geheim, zingt: "*maak dich noë mer vrij*"

Sjtel d'r daagesziet um, mit inge groeëte vlakgum
Wis dieng sjtumming oët
Ut portaal is *Baskisch* roeëd
Die *Schumann* resonantie, trilt:
"*Sjtop noë dea pinantie*"
Gank durch d'r daageroad,
Gezonk en weasjt noeëts oad



33. LEAVENDIGE GEDANKE

In mieng gedanke, doa leafst doe altied
 Manifesteer ich dea wunsj, dea nit bliet
 Mer wirklichheit wead

Bis doe ut fenomeen, dat leafst ing mieng drome
 Get wat altied tot wasdom wool koome
 Of ing afleiding, uh doeëdlopend busjpad
 Woestsjte plezeer va hast, mer tied mit versjpilst, ut is wat

Went dat ontbrikt d'r aa
 Uh kompas, compassie, dat d'r va
 Oëtgeet dat beste daag gloren, wie ing grabbelton
 Ich weet nog nit weasjte bist
 Losgeweekt va ergernis
 Die hoeëge vibratie, die wil ich ja gaaroets noeëts kwiet

Wat woar ich durreg-ee
 Uh hats gemakt va sjtee
 Oprechtheet die zurgde vuur d'r ummesjlaag
 Wilst doe geneete, va zurgeloos pieële sjeete
 Va leefde, vuur os

Zoëdat vier valle, valle,
 Durch sfere en gradaties, van os manifestaties
 Gloeiend, broeiend
 Zunt vier op heterdaad, uh pact va weltformaat

Doebelop, doebelop sjpass, oooh doebelop
 Doebelop, mit bret vuur d'r kop ooh doebelop

34. WITSTE WAT UT IS MIT TÜNDE?

Sjluimertiëd, is get woasjte zoë geer in bliefst
Ut geet waal goot, mer toch zít ich peinzend in d'r hook
Te piekere, went *Tünde* lieët, ruimte toe, weg van gelúk
Ich weet wer nit woa *Tünde* bliët, zië woar vroeë, weg mit heur truck

Dondersjleag, vergezélle mich óp dit pad volleerd
Ongewis, mieng sjtumming is ing *Mondig*
Mi-iis, och wat mis ich dich, crisis!

D'r woar nuujs van *Tünde*, d'r *tundra* rond *Péénémünde*
Is woa ze noe is, es excuus
Neet neave de duur en ooch neet in ing sjuur
Va *Crapoel*, woa ich heur bezig zoog sjuus

Kroëp in dea krocht, doe achterdocht
Ich bin wiet heer, ich sjpioneer
Zoë onbesjoft
Uh sjlecht geveul, woa ich mit zeul
Zoë geet men wieër, noa durch ing kieër
Te zieë afgebeuld

Antraciet, woar heur oogopsjlaag ut grieëst
Wie ming zin, kroog nog get tekst van mieng vrundín
Ze wool waal kalle mer dan mos, ich bezít, loate goa
Inge vrieje geest hat veule leef, mer dat wrikt, draag ich heur noa

Bliksemsjleag, nog voller dan d'r holste weag
Sjlunt mich leag, mieng sjtumming is vrij grondig
Mi – iis, och wat mis ich dich, crisis!

D'r woar nuujs van *Tünde*, d'r *tundra* rond *Péénémünde*
Is woa ze noe is, es excuus
Neet neave de duur en ooch neet in ing sjuur
Va *Crapoel*, woa ich heur bezig zoog sjuus

Kroëp in dea krocht, doe achterdocht
Ich bin wiet heer, ich sjpioneer
Zoë onbesjoft
Uh sjlecht geveul, woa zie mit heult
Zoë geet men wieër, noa durch ing kieër
Te zieë afgebeuld

35. DAT WOAR UH GEVEUL

In ut deepst va d'r *Schweibergerbusch*
Doa sjool, wat ich wool aah sentiment
Mit fines, eleganz en veul passie
Opdat ich noeëts vergoot, woa zie d'r sjpass bieët

Want ich sjtap waal durch dea reân, zoë mit dich
Mieng capuchon vol leave
Inge *cappuccino* noaderhand
Want ich tap waal oët uh vaat, zoë mit dich
Gans aangesj, componente
Voal complimente vuur dieng sjprankeling

Dat woare geveul
Zeuk ich toch mit dich, mie leef
Da's get woa ich noa sjtreef
Dea bundel va geluk
Deas doe engageerst, mie leef
Mie leave zonger druk

Zoë gewild, mer toch wiet weg
Is get gehaaids, verfomfaaids
Ing sjlechte route mit broamsjtruük
En ooch brennieëtele, nuuks fraais
Wie rooj ich ut zonger dich
Mie routebeukske
Mie leefdesheukske, voal sjpriët

In ut deepst va d'r *Schweibergerbusch*
Doa sjool, wat ich wool aah sentiment
Mit fines, eleganz en veul passie
Opdat ich noeëts vergoot, woa zie d'r sjpass verziekt

Want ich sjtap waal durch dea reân, zonger dich
Mieng capuchon vol leave
Uh gleaske absint noaderhand
Want ich tap waal oët uh vaat, zonger dich
Gans aangesj, componente
Voal complimente vuur dieng pratsjeling

Dat woare geveul
Zeuk ich zonger dich, mie leef
Da's get woa ich noa sjtreef
Dea bundel va geluk
Deas doe fieng fileerst, mie leef
Mie leave zonger druk

Zoë gewild, mer toch wiet weg
Is get gehaaids, verfomfaaids
Ing sjlechte route mit broamsjtruük
En ooch brennieëtele, nuuks fraais
Zoe rooj ich ut zonger dich
Mie klachtebeukske
Mie bitterkeukske, voal sjpiët

36. UÜVER DIE SJPASS

Uüver die sjpass, die sjun vuursorteert
Kin ich oeverloos kalle
Dat broeit en dat knispert, uh knooppunt betwist
Wat mich neet zou bevalle

De fieng montoer aa, inge létzte vlootschau
Wat zal ut leuk zieë!
Die heksetoer va, wat maak ich rabouw
Mer veul dich gans vrieë

Te melde, wat dích zoë-al sjtikt
Niveau va: "*sjtik d'r mer in!*"
Du bloost, wentst doe blikst
Tis hieë woa ut wrikt
Als vrekkeling, of als vrundin

Woa gebreake, vét aangedikt
Mich belette, ut fes aan te goa
Doe zeas: "*geleuf nit*
Da's doe richtig tiks!"
Wat zikste, ich han ut te koad
Schluss doa mit!

Ich wil nit, wil nit op hoeës aa
Want doe lups nit mit mich weg
Mer de vaat waal, *bleurgh* en *blech*
Ich wil nit, wil nit op hoeës aa
Ut klimaat is kil en koad
Mer dit fes hoalt de dágeroad

Ich wil neet, ich wil neet op hoeës aa
Tis hieë zoe prachtig, zoe voal aandachtig
Dat wíl ich neet kwieët, dink daorum dat ich blien

Ich wil neet, ich wil neet op hoeës aa
Ich wil waal sjmoeëzen, dich nit zien broëzen
Um mich ing te paave
Dus sjravel ich hei wieër, pom pom

37. SJLECHTEND DIE LEEFDESMOEËR

Die leefdesmoeër die mich opbrikt
Gegoate in ing sjmoring, die goodbedoeld, is
Die ich geer noa inge *oubliette*, sjik
Mit toebehuure, ing sjtoring die
Ing onderkeulde riss, bloeët lekt

Mieng passe partout
Bis doe, mit inge hoeëge prieës
Went d'r aom sjtokt hieë
Te mechtig

Op onbewaakte ogenblikke
Sjlees doe toe, leefdesbom

Wat, wat kin ich doeë?
Aan dizze situatie, zoë delicaat sjtroef
Te droef, went uüverdaad sjaadt
Och al kumt ut oët uh goot hats, ich vlucht in d'r jaat

Momente vuur mich zelluf, doa
Um bieëj te koome, whoah!
Inge aanger tevreije, mit sjmorend geluk
Geaf mich get respieët noë, mer doe has mich tuk
Ich kin nít uüverleave, durch dieng leefdesmoeër

Dieng leefdesmoeër, die uüverkumt mich
Gee ontsjnappe aa
Drum goan ich weg, mit ut ieësjte licht
Zoë wiët hej vandaan
Dieng leefdesmoeër, bië de *pietewej*
Geaft mich gaar ging rau
Drum vérkás ich, mit ut noorderlicht
Gans vuur dag en dauw

Vier verdunt ozze ziet
Ich wil nit dat ich noch mieë lieëd
Doe dachts datste wons
Blokkerend os zo-on

38. TUSSCHE MINGESJBORG EN TRINTELEN

Tussche *Mingesjborg* en *Trintele*
Begon mieng weereldrees sjpagaat
Uh joar lank afzieë, bikkele
Sjtartend in *Mingesjborg*

Ut letzte d'r *Eeserweag* umhoeëg
Noa uh joar va weltformaat
Toen koam ich ieësj in *Trintele*
Eindigend in *Mingesjborg*

De welt rond, wieër wie *Weusteroa*,
Is geveerlik, boeëte doa,
Weg van *Crapoel*, *Terlinge*, tis gee *Lookerplei*

D'r *Oriënt Express*, dea bracht mich sjtar
Vuurbieëj *Japan* en *Zanzibar*
Op de bonnefooi, bliëf sjun in *Limburg*, toch

Doa zitste wer, bont en ooch blauw,
Derde klas, veerentachtig sjtond d'r aa
Noa inge tempel, dra
Nog get bergweag paraat
Terwijl ze ooch *Sjaloen* kins zieë
Oppermachtig bliëj, eekehoot subliem

39. ONGESJTE BOAVE DURCH DICH

Ongesjte boave, binnenste boeëte sjtapel
D'r kop gans durch ee, doe bis inge dondersjtee
Ich bin net durch dieng hoeëgmies werrem oonger
De indruk van dieng kunste, mer plots vroogs doe um gunste

Tis verre van okee, hieëj dees doe mieng grenze leed
Uh versjil tussen vermogen: kin dat ginne?
En get moage, zoonger mich te kinne

Van leeverlee, blieëve vier mer sjun bieëjee
Durch merg en bee, dieng verzeuke um mich ram durch ee
Te reure, neet ontroere, bis dat d'r gaar nuuks
Uüver is, van mieng oorsjpronkelijkheit

Werp verre, d'r ieësjte sjtee, dat ieësjte sterre
Nacht sentiment, mer doe sjuufs neet op
Mer sjpieëlst op, oëtdagend die grens uüver te goa

Doe bis neet goot vuur mich, avontuurlijk, tot doa aan touw
Mer sjpelkes, van de psychologische kouwe grond, die gunt mich te wieët
Zoe sjpiëlste mich kwieët

Ooch al is de *Vervealing* de ergste krankheit
Die d'r zeel nit langer ladderzaat veurt, mer doeëdt
En toch pas ich en bin verschwunden

Ich veul mich top zijwoar, mer licht in d'r kop, wiej nieëj
Oongesjte doëbel gekieërd, is ten hiële gedwaald
Durch d'r *Ongesjte Boavenste Busch*
Bië *Beusdael*, kasjtieël oët ut joar doëzend

40. D'R WUNSJ WOOL WAAL HIEËL ERG

Mieng welt, die drieënde veuls te veul um dich her
De wirklichheit woar nit alling subtiel, aangesj
Mie geld verdween riant en gul noa díeng nuuj serre
Dieng villa, waan, reeze noa de *Andés, Ardèche*
Meh woa bloof ich?

Ich hatz dich, mie vuurgeveul zeat
Du haats mich o-och
Ich schatz dich, mie naar geveul zeat
Du platz, mit bedro-og
Dus woarum doeën ich mich dit aa: lotsbestemmingsplan

Tis woar, dat ich os gun
Uh beater end, oech, uh beater end
Wat vier hant, is toch ganz sjun!
Vuur sjut, zet ich mich neet, echter
Nit achterbaks, of achterbuurtlaks

Uh beater end, mit ing wusj blomme
Hoad dich nit van de domme!
Mer erken de manipulaties
Woa durch ich noë es traktatie
Als teageprestatie, vuur ut ieësj
Noa de pomp loop, vuur sjloff *Ducados*
Um daan noe-oe-oe-uh-noeëts
Teruuk te kieëre
Teruuk te kieëre

41. ZOË WIE OPPER ES OUCH OENGER

Ich veul mich zoë onzieëker noë
Ontevreije, mer doa bis doe
Wieët ut aan dea morks van póstmódérne ziems (*mieëts moderne ziems*)
D'r gouwe wil meldt zich
Va mich es alchemist

Va dienge modder, maak ich goot
Ván de gut bis hótemetóot
Ut kin verkieëre, plots verlicht en JUH!
Dat labyrint, versjlunt vier diek
Dea matrix sjittert magnifiek
Noa ózze hand, toenste neet lánger twiefeldés, bom bom bom

Ich veul mich in d'r beaker, sjtolz
Op ebbehoote troeëne, holz
Wie de beum es káthedrále hieëmelhoeëg
D'r gouwe ziet zingt noa:
"Bis ut letzte doa!"

D'r sjpieëlbald va os geluk
Is in os heng, voal manifesteerfestijn
Zoë blieste op ut richtige pad in d'r *Elzetterbusj*
Dat tot de *Pariese* catacomben veurt
En *Toscaanse* cipressen bie *Cartils*
Ongergronds noa ut *Vaticaan*, bom bom bom

Bis ut letzte doa
Kinste noeëts vergoa
Bis in *Elkeroa*-roa-oo-oo
Kinste mich versjtoa?

42. DE BINNEPLAATSJ

De binneplaatsj in kastieëlornaat is geheimzinnig sjun
Wie dienge glimlach va boëteneads karaat, dea bluscht mich es zung

Ich vruj mich, doe ontwapens
Vermurws mich, in sjarlaken
Aan ut hof van *Charlemagne*
Mit *Pernod*, bruutuh *champagne*
Op ut bordes, *Aldegonde*
Kiekend in dieng ooge, zoog ich uh nuj seizoen
Och, woare alle dage mer zoë sjoëen

Went ích bin dienge ridder en wóar ieëjst reddelóós verlóare
Doe bibberst wen ich sidder, vuur de hoflikheet *encores*
Ut hieëmelbed dat maant os, tot óngermaanse óngerhandse
Grieëmelsjpass voal *pathos*, vuur deftig en ooch heftig sjanse
Vuur altiëd volmaakt, biste vuurwietsig, charmant en welbesjpraakt

Ich bluj durch dieng talente
Doe betovers durch patente
Zevenmijlslaarze mit amper
Tiëd genoeg in *antechambres*
Biëj ut banket, *Aldegonde*

Kroeënlueters es oërbel, verveurden mich grotesk
Wie roësende japon en groëets orkest

Op het toppunt vaan os fiengste
Dinkt de binneplaatsj ut ziengste
Winkt os noa d'r echoput en sjmoort os ongeluk

Kiekend in dieng ooge, zoog ich uh nuj seizoen
Och, woare alle dage, mer zoë sjoëen

43. SJTOP DIZZE QUATSCH!

Go home en koooooooooom!
Ut sjepektakel sjtopt hieëj
Ut is waal sjunnewaes
Dit is de letste barriejééér
Welkom op *Juantarctica*:
Uh verkwikkelijk oord

Ich mot kleijer, tesschen en d'r waan va mich wessche
En die jelt verbrassen in *Ten Esschen*
Du roofst: go home en koooooooooom!
Du verbejst mich dat, yeeeeaaaaah
Vingst mich ginne sjat, nêêêêêêê-êêêh

Sjtop dizze quatsch, aangesj kieste ze gewatsjt
Sjtop dizze quatsch, dalik blieëste in d'r pratsj
Doe goois pielkes op apport en sjeets herses te kort
Doe zeas: doe bist inge baatmans, wat geet mich dat noe aa
Dat geet mich nuuks aa
Doe claims: ich doen nooit get jot, letterlijk:
“Doe huusj te zinken in de rivier, of kapot op ut sjavot
Doe huusj thoeës in de kist, woeësjte durch ginge weasj gemist”
Dat zeaste teage mich, estebleef!

Va *Landsrade*, uüver ut *Lookerplei*
Ut *Driesscher* voetpad aaf
Noa *Crapoel*, wie inge batteraaf
Ut *Molenkuippad* is ut portaal mortaal
Noa *Zjwitserland* en *Sicilië*
Doa leafste ut langst, mij domicilie noë
(en nit mieë *Ingber*, *Iezeren*, of *Reemersjtok*)

